

VENDIM
Nr. 36, datë 16.1.2013

PËR CAKTIMIN E ANËTARËVE TË BORDIT DREJTUES TË ZYRËS SË REGJISTRIMIT TË PASURIVE TË PALUAJTSHME

Në mbështetje të nenit 100 të Kushtetutës, të pikës 3 të nenit 12 të ligjit nr. 33/2012 “Për regjistrimin e pasurive të paluajtshme” dhe të pikës 5 të kreut II të vendimit nr. 752, datë 2.11.2012 të Këshillit të Ministrave “Për përcaktimin e procedurës dhe kritereve për caktimin e anëtarëve të bordit drejtues të Zyrës së Regjistrimit të Pasurive të Paluajtshme, si dhe masës së shpërblimit të tyre”, me propozimin e Ministrit të Drejtësisë, Këshilli i Ministrave

VENDOSI:

1. Bordi drejtues i Zyrës së Regjistrimit të Pasurive të Paluajtshme të kryesohet nga z. Oerd Bylykbashi, përfaqësues i Kryeministrit, dhe në përbërje të tij të ketë këta anëtarë:

- a) Z. Endri Mataj, përfaqësues i Kryeministrit;
- b) Z. Gazment Bardhi, përfaqësues i ministrit të Drejtësisë;
- c) Z. Agim Kasaj, përfaqësues i ministrit të Drejtësisë;
- ç) Z. Dorjan Teliti, përfaqësues i ministrit të Financave.

2. Mandati i anëtarëve të bordit drejtues është 4-vjeçar, me të drejtë rizgjedhjeje të menjëhershme vetëm një herë.

3. Bordi drejtues ushtron të gjitha përgjegjësitë sipas ligjit nr. 33/2012 “Për regjistrimin e pasurive të paluajtshme”, vendimit nr. 752, datë 2.11.2012 të Këshillit të Ministrave dhe legjislacionit në fuqi.

4. Bordi drejtues fillon veprimtarinë e tij jo më vonë se 15 ditë nga hyrja në fuqi e këtij vendimi.

5. Pika 4 e kreut V të vendimit nr. 752, datë 2.11.2012 të Këshillit të Ministrave “Për përcaktimin e procedurës dhe kritereve për caktimin e anëtarëve të bordit Drejtues të Zyrës së Regjistrimit të Pasurive të Paluajtshme, si dhe masës së shpërblimit të tyre”, shfuqizohet.

6. Ngarkohen Ministria e Drejtësisë, Zyra e Regjistrimit të Pasurive të Paluajtshme dhe bordi drejtues për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha